

Powšitkowne WOZJEWJENJA

njedźelu, 23. januara 2022

Wusyłanje Božeu mšow

Serbskorěčnej Božej mši móža wěriwi tutu njedźelu, 23. januara, znowa jako livestream w interneće scěhować. Jedne kemše přenjesu so we 8.30 hodź. z Kulowskeje a dalše w 9 hodź. z Chróšćanskeje cyrkwy. Linkaj na njej stej w interneće pod www.posol.de a na wosadnymaj stronomaj podatej.

Bosćanowa wustajeńca w Kamjencu hišće přistupna

Wustajeńca wo česćowanju swjateho Bosćana w Chróšćanskej wosadze je hišće hač do njedzele, 30. januara, w Kamjenskim sakralnym muzeju cyrkwy swjateje Hany přistupna. Boži dom je wot pónđzele do pjatka stajnje wot 10 do 16 hodź. kaž tež sobotu a njedźelu wot 11 do 16 hodź. wotewrjeny.

Do Medźugorja hišće swobodne městna

Za putnisku jězbu wot soboty a do soboty, 2. do 9. apryla, su hišće někotre městna swobodne. Zajimcy měli so pola Gerata Róbla w Smjerdžacej přizjewić, telefonowe číslo (03 57 96) 9 65 40.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju chorych a mrějacych. K tomu trěbna wěda so w zakładnym kursu posrědkuje, kotryž wotměje so wot 16. měrca hač do 13. apryla pjeć króć srjedu wot 17 do 21 hodź. a dwójce sobotu wot 9 do 15 hodź. Na to scěhuje dohromady 40hodźinski praktikum z dalšimi štyrjomi zetkanjemi. Pohłubšacy kurs je w septembru planowany. Štóz chcył wukubłanje absolwować, móže so pola hospicnej služby Carity w Kamjencu pod telefonowym čislom (0 35 78) 37 43 12 za kurs přizjewić.

Mandźelski seminar

Seminary k přihotej na sakrament mandźelstwa wotměja so stajnje pjatk a sobotu, 11. a 12. februara, 11. a 12. měrca kaž tež 25. a 26. nowembra w Smochčanskim ku-
blanišću swjateho Bena. Přizjewjenja za seminar w februaru přijimuju so hač do srjedy, 26. januara, ale jeničce online. Link je pod www.posol.de wozjewjeny.

Jězba w lěću za šulerjow 5. do 8. lětnika

Dekanatne dušepastyrstwo džěci přeprašuje šulerjow 5. do 8. lětnika klětu w lětnich prózdnotinach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimuju hač do soboty, 30. apryla, online. Link je pod www.posol.de podaty.